



تۈرك يۈردى

تۈرك اۇمىياقلىرى مەركەز ھېيئىتى تەرىپىدىن نەشر اولۇنۇپ

نومۇرى ۲۵

كانۇن ئاينى ۱۹۲۷

جىلد ۵

آناطولیده کیزی معبدلردن :

« نصیری » لر

و

اسرار مذهپیری

آطنه تورک اوجاغنه اتحاق

بسم الله العلی الاعلی الازع المعبر

بسمله سی بیله بزه برافاده واضحه ایله بیان افکار ایدن مذهپک صاحبیری نصیریلردر. نصیریلر، اسکندرون کورفزی تشکیل ایدن بحرسفیدک شرق منهای شمالی زاویه سی اوزرنده کی داغلرده و ساحلارده ، شهرلرده اک کشیف طبقه لریله یاشارلر . سوریه حدودینه آریلان قسم کلیسندن ماعدا طرسوسده معلوم اوجاغنه متوجه برخیلی جماعت موجوددر . مرسین ، آطنه ، طرسوس ، سلفکه و حوا- لیسنده خیلی مقدارده خلق یاشامقدهدر . بوخلقک « عرب ، تورک و سائر برعرق » م منسوب اولدینی حقنده قطعی برده عواده بولمقده مشکلدر . واقعا طرابلس شام و حوالیسی اسکان ایدنلر لسان ولهجه اعتباریله « عرب » ه بکزرلرسده خصو- صیتلرنده بارز فرقلری وارددر .

آطنه ساحه سنده یاشایان نصیریلر ایسه بوسبتون آقیری برتیب و سجه کوستر- مکدهدرلر . هر حالده تورکجه سی کی عربجه سی ده بوزوق اولان بوخلق هراییکی لسانی ده عینی درجه ده قونوشورلر . فقط عمومیتله لسان دینی و ادبی لری عربی در . مع مافیه بومذهب سالکیننک عرقی و حرثی منشألری حقنده درین و علمی تحقیقاتده

بولمق اونلرک شعار ملیلرینی تثبیت ایتمک آطنه نك فعال تورک اوجاغنه عائد اک جدی مشاغلدن بر ماده اولمق لازمدر .

ذاتاً آطنه تورک اوجاغنک معای ساحه سنده اهمیتلی بر صورتده موجود اولان تحتہ جی ، صوفیان قزیلباشلری حقنדה مهم وظیفه ارشادلری اولدیغنه قانیم . بوزمره لر، عمومیتله بوی، صوی تشکیلاتلری ایچنده یاشادقلری ایچون کندیلرینک هانکی بویدن تورک اولدقلرینی اونلره آکلاتمق کافیدر . چونکه اوزواللیلرک اکثری کندیلرینی تورک جامعه اصلانندن خارج عد ایتمکده هان، هان اتفاق ایتش کی درلر . حالبوکه یاشادقلری عشرت اسملری اونلرک کیم ونه اولدقلرینی پک اعلا اثبات ایدر . آوشار، قارساق، قنق، دودورغا، بایات، قانی اوغوز بویلری آطنه وارلغنی طولدیران تورک صویلری در .

دقتله تدقیق ایدیله جک اولورسه انطاکیه نك اسلاملر طرفندن ایلك فتحی دوره لرنده بومهم وخرستیانیلرجه بویوک بطریقلاک مقام روحانیسی کی بویوک قدسیتک مرکزی اولان قلعه نك اطرافنده هر تورلی اقوامدن مرکب محافظ قوتلر بواندینی معلومدر . وا کثرتی تشکیل ایدن بو محافظ قوتلر ایسه (تورقوپول) دینیلن تورکاردی . اهل صلیب انطاکیه مدافعه و تعرضلرنده ده عمومیتله ینه تورقوپول کورو نمکده در . ایشته بوجهتلری ده بالخاصه آراشدیرمق آطنه نصیریلرینک عرقی تصالبی حقنדה مؤید وثیقہ لری احضار ایده یلیر قناعتندیم .



نصیریلرک مذهبی اصوللریله ، فکری دساتیری حروف ، اعداد ، نجوم کی علوم غیبیه استیلاد ایتسی وبالخاصه عقیده وایمان اعتباریله « بوددا - دالایلامه » عقائدینه بکزمه مسی ده آبروجه نظر دفته آلملیدر . چونکه حروف ، اعداد، نجومک ویردیکی نتایج ، لامائیست ، بوددانک دور و تناسخی اثبات ایدن غایه لره اصل اولمقده در . بناءً علیه نصیریلر بوجهتلره موغول و تثبیت دینلرینک سالکیدر . قبول ایتدکلری فکر شعارلری و دساتیر کندیلرندن اول اورالرده وجوارنده یاشایان « سامی » عقائدینه پک اوقادار اوییمور؛ فقط محیطک غالب اعتقاد و عنعنہ لرینه

اویصالق کوسترمک ایچون برذکاتک اعظمی استحاله لری یاسیلدینی کورولیور .
مع مافیہ عمومیتله باطینی مذهب لرندہ کورولن «متافیزیک» شعارلرہ قارشى جدی
برخالفت شمه نسی ده یوق دکلدن . فقط زمان اونلرکده مفکورہ لرینی خرافہ لرله
خرابه لرہ چویرمش ؛ آرتق بشریتک اک ایکنج اجتماعی صفحہ لری حالنی ده بلکه
بو کونلرده کوسترمش بولنه جقلاردن .

نصیریلر ، کندیلرینی ، عمومیتله «علی اللہی» پرده سی آلتندہ کیزلرلر . ایلریدہ
آکلاشیله جنی اوزرہ بو «علی» ، «بوددا» نک عینی کبی تلقی اولنمشدر ؛ یالکز
اسملر ، اللہ ، محمد ، علی ، حسن ، حسین شکارینه بورنمشدر .
فقط نظریہ اساسیہ ده کی بعض کوچوک فرقلرہ ، اجتہادلرہ عمومیتله نصیری
طائفہ لری :

قمری ، صیرری ، متوالی ، غیابی

نامیلہ درت شعبہ ویا مذہبہ آریلش بولونویورلر

قمری لر : مقام علی ، قرده در . دیرلر .

صیرری لر : خایر ، مقام علی ، قرده دکل ، عرشده در . چونکه علی اللہ در .
وبیلیورزکہ قرآنہ کورہ : «الرحمن علی العرش استوی !» یعنی اللہ ، عرشک
اوزرتده استوی ایدر ، اوطورور . دیمک اولدیفندن شمس وقر مخلوقدر ؛ بناءً
علیه شمس وقر مخلوقدر واونلرہ نسبتاً تخصیص مکانده نسبت رحمانیہ ویریلہ من !
دیرلر .

متوالی لر : اون ایکی امامجی لق کودہ لرلر واکا یقین افکاری ترویج ایدرلر .
سده «علی» نک ذات الوهیت مقامنکده عرش اولدیفنه اعتقاد ایدرلر ویز ، تأویل
قرآنده ، یعنی قرآنک باطن معنالرینی آکلامقدن عاجز دیه ینه تأویلات قرآندن
آریلزلر .

غیابی لر : متوالی لرك فکرنده در . یالکز علی حقندہ دوشوندکلری شودر :
«علی ، ابن عم محمد در . حقیقت علی نک - یعنی اللہک - ظالی در !» زعمندہ
بولونورلر .

قربلارله ، حیدریار اک چوک آطنه منطقه سنده ؛ متوالی و غیابیلارده اسکندرون کور فزینک جنوب سواحل و جبالتده اقامت ایتمکده در . مع مافیہ متوالی و غیابیلردن آطنه ساحلنده ده بولونویور . نفوس مقیده مزده نصیری ده طبعی (اسلام) کوستر- لمکده اولدیغدن مقدارلری حقنده قطعی و احصائی معلومات ایدینمک مشکدر . اکر آطنه تورک اوجاغی برهمت ایدرده قضالردن (نصیری) اولان کویلرک اسم و نفوسلری بر تعمینله رجا ایدرسه یلکه اک دوغری معلوماتی آله ایتیش اوله- جقدر . ظن ایدرسه سوریه دن بزه قالان منطقه ده هنوز ۷۰ الی ۸۰ بیک قادار موجودلری اولسی لازمدر .

بوشکل حلول خرسیتیان آزمانی اولمدینی کبی سامی اصلرک عقائدینه ده اویغون دکدر . نصیریلمکده زهد و ورع علامتی ، کندی مذهب و مشربلرنده اولمایان معتزلرله هر هانکی بر دین و مذهب منسوبلرینه تماس ایتمه نک و اونلرک آنده برشی یمه نک کبائر دن اولدیغی بیلرک اجتناب ایتمکدر . دنیاده اک چوق مرتاض و منزویلری چوق اولان مذهب بلکه نصیریلردر ، دینه بیلیر . اونلرک مجرد ، اختلاط ناسدن مجتنب ، تأهلدن متنفر « قدیسین متعال » لری واردر .

نصیریلمکده عمومی سحیة اجتماعیة : « صدق و وفا ! » ایله تلخیص اولونور . بویکی صنعتی شعار عمومی یاپان بر زمرده ایران « کبر » لری [۱] در . فقط کبرلرده طوغری سویلمک هم مذهباره خاص بروظیفه دکل عمومی بر حالدر . بر کبر ایچون برشی حقنده ایبی سوز سویلمک حرام تلقی اولور . اونلر بلکه « فیأت مقطوع » لوحه سنک ایلمک واضعلری اوله جقدر . چونکه سویلدیکی سوزدن برپارا دخی تنزیل ایتمز ویالانده سویلمز . فقط نصیریلر ، بونی ، کندی ارالرنده و کندی جمعیتلری ایچنده یاپار .

حیدری و قمری لرده مجلس دینی به کنجارله قادینلر داخل اولاماز . چونکه قادینی نقیصه خلقت و « ذله آدم » تلقیسی کبی بر خرسیتیانلق شیمه سی واردر . فقط متوالیلرله غیابیلر قادینلری « مجلس انس » محرم ایدرلر . بونلرک اوزرنده ده

حما و حص جوارنده كى اسماعيليلرك تائير و فكري نفوذلى بولمى مستبعد دكلدر.

نصير ياورده تلقين ايمان شرايطى

بر فردة تلقين ايمان واسرار ايديله چكى وقت ايكي شاهدك تزكيسى و كفالت متسلسله نك تا ميني ايله « محرميت انس » مظهر اولورلر . هر اون سكر ياشنى اكمل ايدن فرد ، فكر و وظيفه تلقين آلمغه مجبوردر . باباسى بو سنه قادار اونك تربيه عقیده سندن مسئول اولوب صوكره جماعتك كفالت عموميه سنه داخل اولمش بولنه جقدر . ولىسى بر (روح مصفى) حاضر لادينى شيخه سويلر . شيخده ايكي شاهدله تزكيه ايتمى طلب ايدر . بو ايكي شاهدده ولىسنك وصايت و تربيه سندن امين اولدقلىنى مقام ارشاده بيان ايتدكدن صوكره عموم جماعتك [۴] كفالتده تا مین اولونور .

ايرته سى مجلسده « تطهیرآ » « بیت الحرامه » ادخالى « دليل بيت » . تکلیف اولونور . [۳] « طالب مراقب » ايچين واجب اولان « نزور » ده تدارك ايديله چك و « اخوان » اجتماع زمانى ده دليل و طالب طرفندن مشترکاً تبليغ اولونور . اجتماع کيجه سى ده دليل واسطه سييله بيت الحرامه متصل خصوصى بر محله استحمام ايتديريله رک طهارت کلیه حالده حضور جماعته ادخال اولونور .

طالب « شيخ الولايه » نوکنده ديز چوکر . [۴] شيخ الولايه اونك بلنه « رباط الشريعه » باغلار . [۵] باشنده يشيل دستارلى بياض بر کچه کلاه کچيريلور . بوكاده « تاج الحقيقه » ديرلر . دليلده آرقه سنه « خرقة المعرفة ياخود قباء المعرفة » دنيلن - معرفت خرقة سى - بر عبا کيديريلير . آندن صوكره طالب ميدانده مرشدك صولى ايلريسنده آياقده طورور وياننده ده دليل اوطورور .

[۲] فيز يلباش صوفيان آيين قبولى ده بويله ايدى [تورك يوردى - نومرو ۲۱ سنه ۹۴۶ بايکيز .

[۳] بکتابشى و فيز يلباشلرده ده بو صورتله رهبر ، طالبى تطهیرآ ميدانه ادخال ايدردى .

[۴] تابعين و انصارى اوزرنده حق صحابت و حياى اولان ذات ديمکدرکه بوكا :

« امام » ده ديرلر . فقط اصل امام مذهب رئيس عمومى و مقتدا سنه ويريلن بر اسدرکه ايلريده تفصيل اولنه جقدر .

[۵] بکتابشيلردن بوكا بکزرر تيغ بند و صوفيانده بوينه طاقيل « لا » بندى واردر .

مجلس انس و یا مجلس خوانده حاضر بولونان جماعتدن هر بریسی بویکی وکنج طالبه دیلنک دوندیکی قادر ولو برکله جک ایله بیله اولسه ارشادکار بر نصیحتده بولنه جقدر . اک صوک دلیل خطاب ایدر :

— سلم ! [تسلیم ایت و یا سلام ویر !]

اولدن تبلیغ و حفظ ایتدیریلن شو جمله بی ، طالب ، سویلر :

— سلمت مولانا العلی الاعلی ! (اجل واعلا اولان مولامن علی بی سلاملارم ، قبول ایدرم !) صوکره شیخ الولایه ایاغه قالقار ، جماعتده برابر قالقار . شیخک باش اوچنده ، دیوارده ، افقیماً موضوع « ذی الفقار » [۶] ی آلیر . بو ذی الفقار ، هر بیت الحرامک مقام ارشادی اوزرنده افقیماً ایکی چیوی اوزرینه موضوع بولنمق تعاملدر . شیخ الولایه ذی الفقاری قبضه سندن و اوچندن افقیماً طوتار . بو قلنجک اوجی ایکی چاتال اولمقده مشروطدر . چونکه اونک بارز انمودجی ، بویله در . طالبه دلیلک هراکیسی یان یانه قلنجک کسکین طرفه طورور و طالب ایکی آلرینی قلنجک اوستنه قویار . قلنج طالبک بونی خذاسنده بولونویور . بو وضعیته :

صاحب السر والکتمان اوله جفته و خلاف قسم حرکت ایدر سه حاضر وندن ، ازاله وجودینه ، سوز آلینیر و بو قسم اوچ دفعه تکرار اولونور .

بو قسم اکمال ایدیلدکن صوکره هر کس یرینه اوطورور . « بارک الله العلی الاعلی المعبود » دیه تهنیه ایدر لر و صوکره « غسل مصفی » شربتی توزیع اولونور . [۷] « غسل مصطفی ایله تسقیه اولندیغم حرام اولسون ! » تعیری اک بویوک یمیلردن معدودر .

[۶] تخته بی لرده الاجه دکنک ، صوفیان سوره کلرنده ده چوکان چوماغی ، پنجه ، ملهمه اغاجی دنیلن عینی شیدر . [تورک یوردی نومرو - ۲۱] باقیکنز ،

[۷] « غسل » شربتی و یرمکده مذهبی بر منطلق کورولیور . بالاخره ایضاح ایدیلدجک اولان نصیریلکک اک محرم رمزی « عمس » کله سیدر . بو کله ده (ل ، م) مبادله سی و (س) ک تبدیل و ضی ایله « غسل » دوری ظاهر اولور . ایشته اونک ایچین نصیریلرک کندیلرینه مخصوص مقدس علماری علم حروف واسما اولاشدر .

« شراباً طهوراً » سرینه مظهر اولان « غسل شربتندن » سوکره [۸] شیخ
الولایه حضورنده کیدیریلن « کمر ، تاج ، خرقة » چیقاریلمیر . یدی قات بوغچهیه
— طالب ایله دلیل — قویارلر اوپر .. اوپر .. اوپرلر و طالب ، دیز چوکرک ،
شیخ الولایهیه تسلیم ایدر اوده اوپوپ صول یانته قویار .

شیخ الولایه بو یدی قاتلی بوغچه دورولدکن سوکره دیزلرینک اوستنده افقیاً
موضوع ذی الفقاری اوپوپ باش اوچنده کی موقع معلایه آصار ..
آرتق مجلس ختامه ایرمشدر .

هرکس :

— باریک الله مولانا العلی الاعلی !

دیهه قالقوب یکی نائل سعادت اولان کنجی تهیه و تبریک ایدرک مصافحه
ایدرلر . [۹]

نصیری تلقینی

کنج طالب حضور مرشدهد یکی خلعت مقدسه ایله دیز چو کوب اوطورنجه ،
اوکا ، بروجه آتی عقائد ایمانی تلقین اولونور :

۱ — نوره نوری مصطفویه

بو تعبیر ، محمدک بش نوری دیمک اولوب « خمسة آل عبا » دیدیکمز بش
شخصیته مقابلدر . فقط بو نصیریلر بوندهده اختلاف ایتشلردر . نصیریلرک « خمسة
نوریه » سی شودر :

[۸] بکتابشیلرده اولا بال شربتی و ایران ، قییز ویریلدیکی مرویدر . بالخاصه ولایتنامه
(یوغورت و بال) دن مستقلاً بحث ایدر . بعضی بکتابشی میدانلرنده نصیب آلدقندن
سکره بالخاصه شربت توزیع اولنق تعاملدر . دم صحبتی بالاخره باشلار .

[۹] صوفیان سوره کنده ، طالب قالفار جملانک الی اوپردی . چونکه اولر یکییه
نسبة قدیمی .

محمد ، فاطمہ ؟ حسن ، حسین ، محسن سرائفی

ایضاح ایدہ لم :

آ... صاحب کوثر علی و کوثر دہ یدمؤیدیلہ مصطفی اولدینی ایچین «مصطفی!» در، بناءً علیہ عین نور اولان محمد مصطفیٰ نك اولادلری ده نوردر . کندیس عینیتده داخلدر . حالبوکه خمسہ آل عبا ده «علی» موجود اولدینی حالده بوراده دکلدر . ب... فاطمہ . بو ، فاطمہ دیمکدر و فاطمہ نك سری در . فاطمہ ، علی دن تولید ایتمکله فاطمدر . چونکه او ، ذات الوهیتك مہبطی و مشرقیدر . ائم ذلہ دن بری اولان قادین ، یالکز و آنجق فاطمہ - یارادیچی - اولان فاطمہ در . بو صورتله ہم قادینك اسمی اورته دن قالمش اولویور ، همده یکله ولان فاطمہ ید قدرت فاطریت اضافہ ایدیلکله دیگر طائفہ نسادن ممتاز عد ایدیلیور . ایشته بو نظریہ ید بناءً «قری وحیدری» شیعه لری «مجلس انس» لرینہ قادیخی قبول ایتمز لر .

۶... حسن ، حسین حقندہ هر کسک بیلدیکی اولاد علی و فاطمہ اولہ رق حرمت ایدیلر . فقط بونلرکده وجود بہبودلری زاده الوهیت اولمقدن تعری ایدیلز .

۷... محسن سرائفی . بونك ایچین ده شویله بر افسانہ ایجاد ایدیلشد :

محسن ، کویا ، حضرت فاطمہ نك صوک حلی ایدی . عمر ، جبرآ فاطمہ نك اوینه کیره جک اولمش ، سرخوشمش ده ، فاطمہ قورقش ، قبولك آرقه سنہ یاصلانمش ، محسن ده جنین ساقط اولمش .

ایشته بو روح غیر مرئی ظهور مہدی ایله علاقه دار . شیعه لر ، اون ایکی اما مجیلر «محمد مہدی بن حسن المسکری» بی آخر زمانده دنیا ید کله جکنی بکلر لر ، چونکده اوده «سامرا» ده مجهول بر قویوده آنسزین تغیب ایتمشدی ... نصیریلر ده اونك یرینہ فاطمہ نك اوچنجی اوغلی اولان عمرک اسقاط ایتدیکنہ اعتقاد ایتدکلری «محسن سرائفی» بی بکیور لر .

ایشته بوتون علی ید تعبد و یا تولی - محبت - کوسترن زمهره لرک کافہ سی بو «غائب» ک «ظهور» ینہ شدتله انتظار ایتمکده در و عمومیتله بوزمره لر ، بو «امام

غائب «ك حیات ابدیسنه مؤمن اولوب» صادقان «نه افاضه» نور و قدسیت ایتدیکنده قائلدرلر:

اونك ایچین علی روایة القدما (محسن سرالحفی = ۱۰۵۷) عدد ابجدیسنه معادل اولمقله (۱۰۵۷) سنه هجریه سنده ظاهر اوله جغنی بکله مشلر؛ فقط آکلاشیلان اووقت ظاهر اولمائی ویرنجه متأخرین تکرار تحریاته قویولمشلر، «محسن سرالحفی» حروف باطنه سنی ده ضم و علاوه ایتمشلر (۱۵۰۰) رقمی بولمشلر. فقط مذکور اصولده نقشه استناد «سرقران» اولمقله (۱۵۰۰) چیقان عددك رمزی «فی بضع سنین لله الامر» آیتنه ارجاع ایدیلیر. [۱۰] بو آیتده موجود اولان حروف مشترکدن یالکز برر دانه قالمق شرطیله حساب ایدیلدیکی وقت (۱۳۴۸) سنه قریه سنده بوتون نصیری عالمی محسن سرالحفی نك ظهور ایده جکته و یالکز جهانه نصیریلرک حکمران اوله جغنه اهمیتله منتظردرلر.

دیملک، نصیریلرکده برمراد اولملری ایچین شوراده اوچ درت سنه لك برشی قالمش دیمکدر. یاشایان البته کورور! شاید کورولمزسه بر احتیاط رقم داهاولار: ۱۵۰۰ ۱

۲. خمس ایتام

خمس ایتام، بش یتیملر دیمکدر. نصیریلرجه بو بش کیشی:

«اباذر غفاری، مقداد بن اسودالکندی، عبدالله ابن رواقه الانصاری، عثمان ابن مطعمون النجاشی، قنبر ابن کاوان الدوسی» دن عبارتدر. بونلر «خدمه خاص مولانا علی!» عد اولمشلدر. یعنی محرم راز و محرم اسرار علی اولان یالکز بو بش یتیمدر.

[۱۰] محترم قارئیلریمزک بو اسرار انکیز حسابلره، جمعیت بشریه یی ید محکمنده طوتان الهی سلطه نك وکلاسی عد اولونان «مقدس» لرك نصل گرفت حساب اویونلریله خلقی دوجار اسارت ایتدیکنی مستقل بر مقاله ایله ایضاح ایتکه چالیشه جغز. واقعا بو کون بو خرافه لری بر تاریخی ماصال کپی دیکله یورز. اونوتامه لی که بشریتک حال حاضری دائما بو خرافه لرك مولدی در. او حالده نه اولدیغیزی، نصل بر محیط اجتماعی نك جدانی تأثیری آلتنده قالدیغیزی بیلمک بزم ایچین هیچ فائده سز دکدر. اوخیالی او هامک بزم قانعده دولاشمه دیغنی کیم انکار ایدر؟

تورك يوردی قادئرينه معلومدر كه صوفیان سورہ كنده « قنبر » دن بحث ایدیلشدی . قنبر ، بكتاشی طریقدهده واردر . ذاتاً ، ضرب مثلریمزده « قنبرسز دوكون اولماز ! » دستوری بلكه « قنبرسز میدان آچیلماز ! » دیمهك ظاهریسی اوله بیلیر . چونكه میدانده بر دوكون دز . سر علییه واقف اولان یالكز قنبر اولدیفنه دائر بر چوق روایتلر موجودر .

« ایشه بو خمسة ایتام نظریه سنه كوره هر شیخ الولایهك بش دانه معاون خاصی اولسی مشروطدر . « مجلس انسی ویا اخوان » ده بو بش ذات صاحب مقام تلقی اولونور . شیخده (مقام علی) نك وکیلدر .

بكتاشی و صوفیانده بو مقاملر (۱۲) اولدیفنی ایضاح ایتمشدك . اون ایکی چراغ بو مقاملرك برر رمز نورانیسی ایدی .

بو بش ذاتك تمثیل ایتدیکی مقامات : « جبرائیل ، میکائیل ، عزرائیل ، اسرافیل ، مقاملری اولوب « قنبر » ده : ذات عالی نك وکالت سریه سنه صاحب تلقی ایدیلشكه « مقام قنبر » دائماً شیخك خلیفه سی وباش معاونی تلقی اولونور .

نصیریلرده مقام عزرائیل صاحبی صوفیان وبكتاشیلرده کی « کوزجی ، نك وظیفه سنی یاپار .

۳. — سبعة الكواكب الدریه :

یدی اینجی ییلدیزلر !

بوزمره « خمسة ایتام » « محمد و سلمان » ی علاوه ایتمشكه تشکیل ایدر . بونكه یدی قات کوكلرك مقاماتی تأیید اولونمقدهدر . دائماً (کمر ، تاج ، خرقة) ده یدی بوغجهیه قونمیورمی ایدی . اوده طبقات سماوییه تمثیل ایدن برر رمز ایدی . یدی قات کوكلرك مقر حکمرانیسی ایسه مشهور یدی ییلدیز اولوب یدی اینجیلردن هربری او ییلدیزلرك حکمران ومؤکلی دز . اونك اینچون « ولهم مقام معلوم » اونلر اینچون بللی مقاملر واردر ! « آیت کریمه سی آنجق بوذواته خاص ایتمش !

۴. — صمالة العرسه :

عرشك حماللری ! یاخود « سکزلر ! » دینیر .

بوزمرده خمسة ايتان على نك فاطمه دن غيری اولان زوجة لرندن دوغان
« طالب ، عقيل ، جعفر » ك علاوه سيله تشكّل ايدر . ذت علی ، عرشده او طو-
دی ایچون بواو چ او علی ده عرشه اوموزلرند طاشیرمش . بوراده اساطیر
یونانیه نك « ژویتر » نی خاطر لایه بیلیرز .

۵. — نعة قباب المحمديه :

محمدك طقوز وارانی ، یعنی طقوز دفعه قالب دكیشدیرمسی دیمكدر . و بو
جمله بی ده محمدن محمد (من المحمد الى محمد التقي) دییه افاده ایدرلر .
محمدن محمد دیمك شویله ایضاح اولونور :

اون ایکی انا مجباره کوره : علی ده داخل اولدینی حالد محمدن سو کره انجیق
اون ایکی امام یعنی خلیفه موجود اوله جقدر . اون ایکنجه غایبره قاریشمشدی .
برکون اولوب کله جك واوندن سو کره ده آرتق قیامت قویا جقدی . ایشه تاریخاً
موجود اولان بواکی احقاد رسولك عمر ، حیات ، مدقناری بوکون معلوم و موجود
اولدینی کی زیارتگاه انامدر . بوزارك اونجیسی « محمد تقی » در . حضرت محمد ،
کندیندن سو کره (حسن ، حسین) مستثنا سکن طوروننك وجودیله تکرار
دنیا یه کلتس . کندیسی ده برنجیسی . او حالد دوقوز دفعه دنیا یه کلوب کیتمنس .
تلقیانه کوره روحاً اك اكمل انسان اولان محمد علیه السلام آنجق دوقوز دور
ونتایجدن سو کره عالم ملکوت « روح دائم » خالنده رجوع ایدر . بوکاء بکتا-
شیرده واکثر طرق متصوفده « دون دكیشدیرمك » دینیر . بر آدم تولدیمی
روحی بشفه تطفایه روح اولور ویکیدن دنیا یه ظیر . قابلیته کوره ۷۰ دفعه یه
قادر دور ایدر . بویله اوزون دورلر بسیط اداماره مخصوصدر . علی انسانلر
تهایت ۹ ، ۱۰ ، ۱۱ ، ۱۲ ، ۱۳ دوردهن سو کره ملکوتیله شیر .

دنیا یه چوق کلك بر روح ایچون بویوک عذابدر . ابدیته رجوع ایچون نه قادر
آز دور یا پارسه اوقادار علویله شیرمش . کناهکار آدملرده ملکوت رجوع یرنه
« اسفل السافلین » در که سنه ، جهنمه اینر . اوده یتش دوره عذابی بیتبردکن
سو کره عن صالحنك درجه سنه کوره یا انسانلر طرفندن اکل ایدیلوب تکرار

انسانه حیات ویره جک حیوان ونباته رجوع ایدر . مثلاً قویون اولور ، طاووق و سائر اولور . بونلرکده بختیارلری انسانلر طرفندن اکل اولونانلری در . قورت ، چاقال ، اشک ، فاطر و سائر زحمت کش زمهره سنده روحک انتقالی ممکن !..

حق زواللی روح بردفعه قویون اولورده اونیده قورد قایدی ویا مردار اولدی ده کوپکار یدیمی آرتق « اسفل السافلین » دوشمشدر که چاره خلاصی احتمال داخنده بیله دکلدر ! [۱۱]

ایشته محمد دوره عروجی دوقوز دفعه ده اکمال ایتدیکی ایچون « قباب تسعه » صاحبی واکمل مخلوقات بر فرد تلقی اولمشدر .

۶. — عشره مقامات الزکیه :

بومقام ، اون دوره انتقال مقامی اولوب « محمد ابن ابابکر » عا ئددر . کویا « محمد ابن ابابکر » ذات علییه قارشى اوقادار صادق ، اوقادار عاشق ایمش که نفسی رسول محمد دن صوکره اک یوکسک درجه ده اونک مظاهر و مقتداسی ایتمش . اونک ایچون علییه تبعیت و بیعتده او مرتبه صدق و وفایه ایرنلر اون دوره دن صوکره مقام ملکوته ، حیات ابدییه رجوع ایده جکلرینه بر مثال اولمق اوزره ذکر اولونور .

۷. — اصری عشر مطالع البایه :

بوده دور سلمانی مقامیدر واون بر مقام دور ایتمشدر . نصیریلکی احیا ایدن ذات اولان « محمد نصیر بن بکری النیری » بومقامی احراز ایدن ذات اولوب « اون بردوغوم قابوسی » نی آچمشدر .

محمد نصیر ، صوک حقائق شرح وافهام ایده رک دوره عرشیه سنی اکمال ایتمش و تابعینه ده کندی نامنی تبرکاً ترک ایتمش کیتمشدر . مقامی ، عرشده ، علی نک صولنده ایمش .

[۱۱] در خاطر ایتله کی جهان شمول اولان شهرته رغماً « عمر خیام » ک فلسفه سی ده آشاغی یوقاری بونوعدن در . فقط حقیقی قناعتلری اوقادار کوزهل تشبیهلر ویرنده مثاللرله ذکر ایتمش که انسان بدیعت شعریه ایچنده بیک برخلایه دوشه بیلیر . (ب . س)

بویدنجی ماده ده کی « مطالع بابیه » دن مقصدلرینی نصیریلر شویله افاده ایدرلر:

محمد ، محباب عظیم ؟

سلمان ، باب کریم ؟

علی ، اصل قدیم ؟

دیرلر . کورولیورکه دستور اعتقادده « سلمان ، باب » یعنی قبودر . محمدده برده در . بناء علیه شونتیه چیقار :

« محمدی قالدیر ، قبودن کچ صوکره علی یی یعنی حقیقی الاهی کورورسک ! »

بوتلقی ، مشهور « انا مدینه العلم وعلی بابها » = بن علمک شهری یم ؟ علی ده

قبوسیدر « حدیثک تمامیه ضدیدر . بوراده محمد ، علی یی قپویایدینی حالده نصیری ،

آنحقی برده دن عبارت عد ایدیور . قپو ایسه سلمان در . دیمک حقیقتده محمد ،

نصیریلر ایچون بر « حجاب عظیم » دن بشقه برشی دکل . اونی قالدیرمق کرک !

وفی الحقیقه محمد علیه السلام بوتون اشکال ظاهریه وحرمته رغماً حقیقی عقیده ده بر

موقعه مالک دکلدر وبونی صوکنجی افاده بزه داها زیاده ایضاح ایده جکدر .

۸. — انا عشر سطر امامیه :

اهل شیعه نك قبول ایتدیکی اون ایکی امام نصیری مذهبنده (سطر امامی)

قبول ایدیلشدر . (اون ایکی سطر امامی) ایسه هیج بر کیسه یه حقیقی بر معلومات

افاده ایتمین بر رمز غریبدر . ایشته نصیریلر ، « بیت الحرام » داخل اولان هر

یکی طالبه بردعا شکلنده بوسکز ماده یی قولاغنه فیصیلدار . یاواش یاواش ده هر سنده

بر رمزک سرینی رسماً افشا ایدر .



پک شایان تدقیق اولان « سطر امامی » نك رمز سرینی ایضاح ایتک لازمدر .

بوخصوصده قارئی کوچوچک بر معلومات ابتدائییه ایله احضار ایتدکجه بوخصوصی

اکلامق پک مشکل اوله جقدر . فقط محترم قارنده بومعلوماتی ایدینک ایچون بر آز

صبر ودقتله یورولسنی لازم بوله جقدر :

چونکہ (سطر امامی) تعبیرینک یوزی آستارینه هیچ بکره مز 1
 سطر امامی تعبیرنده ، اولاً ، برکوچوکک و اردر ؛ ثانیاً ، شیعه امامیه
 مذهبینک اصولک و دون درجه ده بولندیغنی افاده ایدر . چونکہ اون ایکی امام مؤمنلری
 اولان اهل شیعه نك اکثریتنه قارشى « واقف اسرار لدن » اولان نصیری اقلیتک بو
 صورتله ممتاز خواصی تأیید ایدیلش اوله جقدر .

سطر امامی مفهومنده کوچکک اولدیغنی سببی :

عقیده عمده لرینی « علم حروف » اساساندن آلان مذهبی زمره لرده علی نك
 وضع و تلقین ایتدیکنه ایمان ایدیلان برعلم خفی و اردر که بوکاه علم جفر « دینور .
 امام جعفر صادق ، محی الدین عربی کبی بویوک متصوفلرک بو علم ایله تبحر
 درجه سنده مشغول اولدقلری تاریخاً معلومدر . ایشته بو علم ، قرآنده « لوح محفوظ ،
 رق منشور ، بیت المعمور ، ... » کبی اسمارله یاد اولونان علم ایمش !

[لارطب و لایابس الا فی کتاب مبین = قرآن کریمده قوری و یاش یعنی بلا
 استننا کافه افکار و علوم موجوددر .] دعواسی ؛ انجیق بو علم جفره استناداً اثبات
 ایتک ایسته نیلیر .. بو علم مخصوص و خفی ، بوتون اکابر متصوفینک اک ممتاز سیالرینه
 « صدرأ عن صدر ! » یعنی ایچدن ایچه پک محرم اوله رق تبلیغ و تعلیم ایدیلن
 و یالکیز خواص و اهلنه امانت ایدیلن بر (علم لدن) مفتاحی تلقی اولنه کلشدر .
 بو علمه کوره (لوح ، کتاب ، صحیفه ، سطر) کبی دورت درجه تصنیف
 ایدیلشدر و سطرلرده (خانه) لره تفریق ایدیلشدر .

ایشته (سطر امامی) دینیلن شیئی ، الف صحیفه سنک (ام) سطرینک (م) خانه سنه
 عائددر . اوسطرده ده (امام) کله سنی بولورز .

شیمدی بو (امام) کله سنی آله لم . طبیعی دورت حرفلیدر . بو دورت حرفک
 قاج وضعی اوله بیلیر . بو ، بالریاضه نابتدر ؛ ۴ حرفک وضع عددیسی $1 \times 2 \times 3 \times 4$
 $3 \times 4 = 24$ حاصل ضربی قاداردر . دیمک بو دورت حرفی یکریمی دورت تورلی
 اوقویه بیلیرز . طبیعی بویکریمی دورت کله نك مختلف معنالری اولور ؛ بلکه ده اولمز . معناسی
 اولمایان کله لره یعنی « اصم » اولانلره « ناطق » دینیر . اصم لری ده اوقومه نك ،

معناسی بولمهك اصوللری وارددر . حقى كلمهك جذرى ، مشتقى بولونان لسانده
معناسى اولمىزه باشقه لسانده ناطق اوله بيلير . اونك ايچين اوکاده همه حال بر معنا
بولوب ويرلر .

ينه (سطر امامى) يه کله لم :

بالطبع (امام) کله سنك ده ۲۴ وضعى وارددر . فقط کله متجانس حروفلى
اولدینی ايچين يکرمى دورت وضعنده (اون ايکيسى) عيناً چيقار، تکرر ايدر .
امام سطرينك (ن) خانه سنده (امنا) ؛ (ى) خانه سنده ده (ايمن) کله لری اوقونور .
بونلری، بو تلفظلری (جبر اعلا) نك (اوضاع و ترکیب) دستورلریله شیمدیكى
حالده درحال اوقومق و ایسته دیکمز کله و جمله یی ریاضیه دستورلریله درحال ترتیب
ایتمک چوق قولایدر . فقط بو دستورلرکه (لغاریتمه) جدوللرینك اساسیدر ؛
کشف اولنه لی داها آنجق ایکی عصرلق بر زماندر . فقط بش ، آلتی ، اون عصر
اول ریاضیات عالیهنك اصغر نامتناهی ایله اعظم نامتناهی آراسنده صاللانان بو اوضاع
حروف ، بی پایان مجهولیتلر ایچنده چیرپینان بیکلرجه دهایی چیلدیرتمغه کافی ایدی !
اونلر ایچین فی الحقیقه (کتاب مبین) اولان بو الواح جفریه نك (۲۸) حرف
اوزرینه موضوع اك بسیط جدوللری میلیونلر خانه سنی آشار و بونی بر دستور
ربط ایده بیلیمك امکانی ده یوقش . اك ذی نفوذ ذکا اولان محی الدین عربی بيله
(بش خانه) یی آشامامشدر ؛ چونکه (۱۲۰) وضعه مالکدر . حالبوکه اون حرفلى
بر جمله نك (۳۰۶۲۸،۷۰۰) وضعی اوله جنی جهتله بو قادار اوضاعی یالکیز حساب
ذهنی و حافظه قوتیله احاطه و بوندن معنا استخراج ایتمک چالیشمق جداً تحملفرسا
بر قدر تدی . صوکره بومیلیونلرجه اوضاع معلومه نك حساب ابجدیلریله اوغراشمق ،
استنساط احکام ایتمک اوزنمك دماغه وله وحیرت القا ایده جك عظیم باصقیلردی .
ایشته بو لایتناهیلاك ایچنده پویان اولان ذکانه بعضاً دومنی قیریلی ویردی ، یا
دریسی یوزولور ؛ یا خود بر دار اولور کیدردی . بو شهید ، فی الحقیقه سفکوره سی
اوغرینه جان ویرمن هر فرد کی مقدس و علوی عد ایدیلیردی .

فقط ، منصور کی .. محی الدین .. نسیمی کی شهادی ایمان نه نقطه ده ، نه ایچین

جانه قییدیره جق قدر تقویه ایمان [بن ، «ایده آل» ی ایمان اوله رق قبول ایتمک طرفداری یم] وثیقه لرینه ناصل واصل اولورلردی ؟

ظن ایده رم که بو مجهولاتی حل ایده بیلیمک ایچین اونلرک تدقیق ایتدیکی اصوللری عیناً تعقیب ایتمکدن باشقه چاره یوقدر . بر اصوللری تحری ایتمکدن ارباب اختصاص ضررده کورمیه جکدر . چونکه مدنیت اسلامییه مفکوره سنک عمومی تمایللری آنجا ، بو اصولک توضیحی سایه سنده کشف اولنه بیلیر !

مثلاً محی الدین عربی نک جمله جه معلوم اولان بواصول تحریسی نک مفتاحلری الان مجهولدر . فقط اونک نتیجه عرفانی ، فلسفه سی جمله یه معلومدر . بایزید کتبخانه سنده بالخاصه حیات محی الدین عربیده یازیلمس ، اونک شا کردلری طرفندن تبیض ایدیلدیکی معلوم اولان آل یازمه سی ، اوقومه سی مشکل بر اثر وارددر . (عنقای مغرب ۱)

ایشته بو طریق ایله درکه نصیریلرده (امام) کلمه سی (ی ، ن) خانه لرله ترکیب ایده رک « امام امما ، ایمان امنا = امترک امامی ، امین لرک ایمان » در ، جمله سی بولونور . او حالده (لوح محفوظک) لایتغیر احکامی اوله رق قبول ایدیلمسی لازمکلن بو دستوره واصل اولانلر همه حال اوندن کف ید ایده مزه بناء علیه نصیریلرده دیکر علویلر کی معلوم اولان بو اساسی ، بو (امام) اتباعی نظر دقتدن دور طومعه مق ایجاب ایدردی . حقیقتده کورویورزکه اونلر بو اماملری حقاً و یقیناً قبولده ایده میورلر !

وبرده بیلورزکه تاریخ دینمزه علی یی تألیه ایدن خوارج فرقه لرندن اعتباراً بر چوق فرقه لر بر (امام) ی (صوک) تلقی ایتمکه تمایل اولمشلردر . ۳ ، ۵ ، ۷ ، ۸ ، ۹ ، ۱۲ امامجی زمهرلر تکون ایتمش بولونویور . بونلرک ایچنده بو کون اک معروف ومشهور اولانلاری ۸ امامجی باطنیه اسماعیله واسکی بکتاشیلر ؛ اون ایکی امامجی جعفری مذهبله بو کونکی بالوم سلطان پیروی اولان بکتاشیلر قالمشدر .

نصیریلر ایسه بویوک بر ذکا ایله بوتون بو رموزاتی طریققلرنده جمع وتلفیقه موفق اولمشلر کورونیور . اونک ایچین نصیریلرکده امامیه یی رد ایتلری منطقی

اوله مزدی ؟ چونکه اونلرده تاریخاً مثبت و معلومدرکه اولاد علی در . فقط بو سلسلهٔ سیاسییه یی نصیری کوزهل پارچالادی . (تسعة قباب محمدیه) دییه سکزینی چلدی . صوکره (حمالة العرش) دییه طالب ، عقیل ، جعفر - اوچ داها یامادی . چونکه بونلر سلسلهٔ معلومه ده داخل دکلدر ؛ اون بر امام مقامنی بولدی . (محسن سرالحفی) دییه ده مهدی یی تمثیل ایتدی ، اولدی اون ایکی امام ! مطلوب ده بوایدی . یوقاریده کی جمله شویله ده اوقونه بیلیر :

« امام اما آمن ایمانا = امتارک امامی ایمانی تأمین ایدر ! »

« آمن ایمان امام اما = امتارک امامنک ایماننه ایمان ایت ! »

اوحالده ، دیمک ، امامسز امت اولماز . فقط زرده امام ؟ غائب ! یکی کیم تأمین ایده جک ؟ وکیللری ! اونلر کیم ؟ کربلاده مجتهدلر ! طریقتلرده مرشدلر ! ایشته بو مجتهدلرله مرشدلر ، کندیلرینه وکالت السیه مطلقیتنی تأمین ایچین بوکی کندیلرینک ده ایچنده چیقامادقلری اسرار خفیه ایچنده یاشار وئولور کیدرلر ! حقیقته صفت مطلقه ایچندن دنیانک هر تورلی حادثاتندن فراغت کوسترمش (اهل الله وارانلر) یتیشمه مش ، عاشقار ترنم ایتمه مش دکلدر . اونلرک وجد معنویلری عصرلرجه صمیمی و مؤمن روحلری هیجان ایچنده چیرپندیرمشدر . فقط اومجذوبین السیه نک وجودلری نوعی شخصنه منحصرلر استثنالر تشکیل ایدردی .

..

نصیر یلرک سر و رمز مذهبییری :

نصیر یلرک مصدر الهام و منبع عرفانی « جمسوق » سورده سنک باشنده کی بو حروف مقطعه در ، بونی شویله تفسیر ایدرلر :

مذکور « ح ، م ، ع ، س ، ق » حرفلرینک باش ونهایتنی آله لم : « ح ، ق = حق » اولور . دیمک بو رمز قرآنده (حق) اولان بر حقیقت سریه واردر ! او حالده بو حق تحری ایده لم دیمشار ، باقمشلرک قالان (م ، ع ، س) حرفلری بو حق ایله محاطدر . یکی ، بو حرفلر نه در ؟

— م ، محمد ؛ ع ، علی ؛ س ، سلمان !

آ کلا یورز دکلی؟ فقط دها وار: ع، مرکز و ذات حقدر. صاغنده محمد،
صولنده سلمان موجوددر، شو صورتله علی، ذات الله اولدیغنه نظرآ، عرشده
اوطوران «الله الرحمن» اولان «علی» نك:

«فی یمنه المیم المجدالملکوتیه المحمدیه وفی یساره السین السلسله الجبرائیلیه»
اولدیغنه انتقاد ایدرلر. [۱] بناءً علیه علی بی بوضوئله معبود مطلق عدا یتکده درلر.
بوکا کوره بر نصیری نك «بحق عمس» ترکیبیه قسم ایتسی چوق بویوک بر
یمیندر. «بحق سمع» علامت سجدهدر. اهل سنتک نمازنده (سمع الله لمن حمده)
دمیه واقع اولان افاده اونلره (سر عمس) ی سویر مش، هیچ بریسی آ کلاماز مش.
اونک ایچین اهل سنت (کالانعام = حیوان سوریسی) مثابه سندهدر.

بو رموزات سریه سی هر حالده عوامه تبلیغ ایدیلر، بو، خواص و «اولیای
مولا» یه کشف ایدیلر. مقابلنده بر چوق ندوری واردر.

سلام:

بیت الحرامه ویا بیت المعموره کیرر کن ده سلام رمزیلری واردر:

«السلام علی من اتبع الهدی واهتدی وخشی من عواقب الردی، اطاع الله
الملك العلی الاعلی الا نزع المعبود وافر بر بو بیته محمد المصطفی الحمود!» عمومه
سلام ویریلر کن، یعنی جماعت آراسنده:

السلام علیکم یرینه «السلام علیکم!» دیرلر. فقط لسان عوامده داها مختصراً
«السلام علیکم!» دیرلر. برنجیسنده (یای مشدده) ایکنجیسندهده (یای
مکسوره) موجوددر.

مقصد، سلام و سلامتک آنجا علی ایله موجود اولدیغنه قائل اولمقددر.

[۱] بو عقیده بی شو صورتله بر افاده ایله ده توثیق ایدرلر: سلمان، جبرائیل ایدی
وعلی نك مأموری ایدی. [اونک ایچین ولادت علی ده نصیریلرک تاریخ مبدأی عد اولونور]
کیجه لری اندرون رسوله صدیقه طاهره اسرار نبوتی تعلیم وایصال ایدردی. علی، اوزون
سفرلره کیتدیکی وقت آیت نازل اولماز مش. پیغمبر صقیلیر وعلی دن خبر کتیره نه مرده لر
عطا ایدر مش. علی، ذات، نبی، صفات ایش.

کلمه شهادتلى :

« اشهد وانى نصيرى الدين ، جنبلا فى الطريقه ، جنبى الرى ، خصيى المذهب ، جلى المقال ، ميمون الفقه » جمله شهادتلى در . بو کلمه شهادتى قبول ايدن فرد اقرار تامده بولمىش اولور .

قريلرك بو کلمه شهادتده بر کلمه جك فرقلى وارددر . (جلى المقال) يرينه (جسرى المقال) تعبيرنى قوللا نيرلر .

عموميتله حيدرى وقريلرك فقهده اعتقادلى : « ميمون الفقهى » يه در . بو ميمونك ده قرامطه مؤسسى (ميمون القداح) دن باشقه كيمسه اولماسى لازمدر . [جنبى ، جنبلا ، خصيى] لرده اصول ، رأى ، مذهبده مقتدالى اولان مجتهدلى در . فقط شخصيتلى حقنده مثبت معلومات تاريخيه ايدىنك فائده دن خالى دكلدر .

موضوعه :

بوتون علويه باطنيه كى نصيريلرده « الله » ك انسان صورتده تجسد وتمثله قانع ومؤمندرلر . قرآنك ملائكه خطاباً :

« انا جعلناكم خليفه فى الارض = سزه يريوزنده كنديمه برخليفه يابدم . » ديمسندن بر جوق معنار استخراج ايدرلر و بوكا ، لسان التهيدين صادر اولان « الانسان سرى واناسره = انسان بنم سرمدر ، بنده اونك سرى يم » مألنده كى حديث قدسى يى ، « خلقت الانسان فى صورتى = انسانى كندى صورتمده ياراتدم » كى حديثلردن اخذقوت ايدرلر ؛ اونك ايچين (الله) ك اكل مخلوقات شكلنده كورونديكنه مؤمندرلر . بوفكره استناداً على نك قباب ذاتيه لرى يعنى اللهم ازمه وصور مختلفه ده كورونمى ، اعتقاددن معدوددر . مثلاً :

شيت ، هارون ، يوسف ، آصف [وزير سليمان] ، شمعون الصفا [حوارى] مسيحيان بطرس] ونهايت صورت على المراتضى ده اظهار وجود ايتمشدر . بوراده كوريليور كه على بيله (يدى مرتبه دوريه ده) ملكوتنه رجوع ايده بيلمشدر . ويدى دوره ده منظومه كائناتى نظر انسانى ايله سير وفتيشدن صوكره عرش لاهوتيسندن

برداها اینهمك، اوزره دونوب کیتمشدر [*]. آرتق بوندن صوکره محسن سراحفی
چیقاجق و دنیا ده بیته جک ایدی ...

محمدده طوقوز دون دکیشدیردی . محمدك (رسول علی) اولدیغنه ده ینه
لسان محمددن صادر اولان « یا علی ! انت منی بمنزلة هارون وموسی ! » یعنی « یا علی !
سن بکا موسی نك هارونی موقعنده سك ! » ایله ده اثبات مدعا ایدرلر . چونکه
هارون ده موسی نك همشیره زاده سی ایمش . علی ده عمجه زاده سی . او حالده مادامکه
علی ، هارون اوله رق ده دنیا یه کلدی ، بوسفرده محمدده اولوجهله مظاهر اولدی .
چونکه موسی نك ده رسالتی .. هارونه استاد آدر .

صوکره بوتون دیگر طرق متصوفه ده عیناً قبول ایدیلن بر حدیث داهوارکه
رسول ، معراج یاپدینی وقت صور مشار ، الهی نصل کوردك ؟
اوده :

رأيت ربی فی صورت شاب امر د ققط = الهی قیویر جق صاجلی دلیقانی
صورتنده کوردم ! *

دیمش ایمش . احتمالکه نصیریلردن بر قسمنك قادینارینی (مجلس انس و محبت)
لرینه قبول ایتسی و آنجق ۱۸ یاشنده کنجلره تلقین عقائد ایتلری بو (سر معراج) ه
بناء در . ذاتاً (۱۸ = حی) اشارتی در . مولویلر كده رمزی (۱۸) در . دیمك
نصیریلر قادینی (ذی ذله) وار ککی ده (۱۸) یاشنده حیاته ادخال ایتلرنده کی حکمت
(صورت الهیه) یی تمثیلاً بر رمز معنوی اولویور .

[*] تاریخ زده پک مشهور در . (الف کامل !) بوألف کامل ، یعنی سنه هجریه بیک
سنه سنه واصل اولدینی وقت دنیا و مافیها بوزوله جقمش ، یوم قیامت اوله جقمش . نعیاده
تاریخی بوألف کاملدن صوکره باشلار . ایشته او زمان عثمانلی ایمپراطورلنی تمامیه عرفاناً ،
اخلاقاً ، وجداناً چور و مشدی . قیامت قوپاجق دییه هر کس آلا بیلدیکنه بر طرفه باش
صالمشدی . کیمی جنت ایستر ، ترک ماسوا ایدر ؛ کیمی اویله ده بویله ده جهنمك در ، یارادانه
سیغینوب یا غادیغنی قومازدی .

جلالیلر ، عصیانلر ، ارتکابلر ، سرای سفاهتلری ، شناعتلر ، زالتلر ، بلا پروا کیدیوردی ...
چونکه دنیا یقیلا جقدی .

متوالی و غیابی لر :

بونلر، حیدری و قریلردن یالکیز قادین مسئله سندن اوتوری آریلیورلردی.
متوالی لرك جهت عقائدنده (فاطمه) یی فاطر اوقومامقدن باشقه برفرقلری یوقدر.
فقط ؟

غیابی لر بوخصوصی اوقادار افراطه واردیرمشلرکه !

غیابیلرك عقیده اصلیه لرنده : مادام که انسانك دوره عروجی رحم مادرده بر
نطفه یه تعلق ایله مشروطدر . اوحالده « نطفه » مقامی « نطفه » مقامیدر. دیمك که
انطاق ، نطفه ایله ممکندر . بونطفه لك سطر امامیده برآز افاده ایتدیكمز اصول
وجهله (نقطه) صورتی ده واردر . اوحالده حضرت عالی نك :
« انا نقطة تحت باء بسم الله - بن باء بسم الله آلتنده کی نقطه یم ! » دیمسی اونلر
ایچین سر اعظمدر . دیمك که ذات علی ده برنطفه نقطه سی ایمش ! اوحالده سراعظم
خلقت آنجق مقام نطفه اولان رحمدر . بونظریه نك نتیجه منطقیه سی شو اولمش
وغیابی لرده بونی قبول ایتمشلردر :

هرغیابی نصیری صباخلری کون طوغارکن قالقار و کندی قاریسی ده صیرت
اوستی یاتار . او چ دفعه موضع رحمی اوپهرك شو آتی اوقور :
« نخرج منك واليك نعود ! » سندن چیقار وسکا عودت ایدرزا! دیمکدر.
بونی مؤید اولان دیگر برآیت ده واردر . اونلره کوره :
« انا لله وانا اليه راجعون ! » بز، الهه عاندز واوکا رجوع ایدرزا! آیتی
کندی مقصدلرینه کوره شرح و تفسیر ایدرلر .

دعای یاپدقدن سوکره برنجی اوله رق (نافه) دن سوکره ایکی (ندی)
باشلرینه برر نیاز ایدر . وینه آیت مذکوریه یی اوقودقدن ضکره ایشه کیدر .
بوخصوصده کی تأویلات غریبه لری شایان تدقیقدر . کویا (نافه) تمثال عرش
ایمش ، صاع وصول ندیه لری مقام محمد وسامان ایمش !
شو صورتله محدث بر (مثلث) ک یهودی کتابلرنده ده مفصل یری واردر .

ایشته دایا تفصیلی موجب صداع اولان نصیریلرک صورت تشکلی قناعت وایمانلری خلاصه افاده ایدیله بیلدی. درزیرده کی اوصاف اجتماعیه نك نصیریلرده اولماییشنی شو صورتلده مقایسه ایدیه بیلیرز .
 بناء علیه اطنه محیطمزدده موجود اولان نصیریلرک مفکوره لری ایمانلری نه اولورسه اولسون اونلرک سجه لری نسبتنده قابلیت اجتماعیه لری نی تمیه ایتک، اونلری حقیقی حیاتک شعائرینه یا قلاش دیر مق لازمدر .
 تورک جامعه سی ایچنده وطن داش اولان بوزمره نك تحسسلری نی ، روحیتلری نی بیلیمک بزم ایچون نه قدار فائده لی ایسه اونلر ایچون ده او قدار مفیددر .

برها معیر

کیجه لر

ایچمده غربت سه، عشق، باشده تاجم
 کیجه لر! کیجه لر! قودورسه کزده ،
 یوق صبا حکمزه هیچ احتیاجم .

قارشیمده غضبیه دورسه کزده ،
 کیجه لر! کیجه لر قودورسه کزده !
 سزی قهره یتر بو جوشقون آجیم .

موده : اسماعیل صفا

قلبدن وورولان بر آهو کی
 فریاده انکینه باقوب آغلادم
 غربتک، حسرتک یا قدینی قلبی،
 یولکده ازلدن اسیر باغلادم .

کوزلرم هر لحظه جسمکی آرار،
 کوزلر کدن کوثر ایچون صیردیم .
 کیجه لر اوزایور بر عصر قدار،
 بی محو ایدیور کیمسه سزلکم .